

জাতীয়

বিদ্যুৎ-জ্বালানি সংকটের জন্য স্বৈরাচারী সরকার দায়ী: প্রধানমন্ত্রী

প্রতিবেদক: ঢাকা প্রোব ডেস্ক

প্রকাশের তারিখ: রোববার, ৩০ আগস্ট ২০২৬, ০৫:২৩ PM



প্রধানমন্ত্রী তারেক রহমান। ছবি: সংগৃহীত

পতিত স্বৈরাচারী আওয়ামী লীগ সরকারের অব্যবস্থাপনা ও অপরিকল্পিত পদক্ষেপের কারণেই দেশে বিদ্যুৎ ও জ্বালানি সংকট তৈরি হয়েছে বলে মন্তব্য করেছেন প্রধানমন্ত্রী তারেক রহমান। এ সংকটের কারণে দেশের মানুষ কষ্ট পাচ্ছে বলেও উল্লেখ করেন তিনি।

রোববার (১৬ আগস্ট) কিশোরগঞ্জের পাকুন্দিয়ায় পুরাতন ব্রহ্মপুত্র নদে পোনামাছ অবমুক্ত ও বিতরণ অনুষ্ঠানে এসব কথা বলেন প্রধানমন্ত্রী।

বিদ্যুৎ সংকট মোকাবিলায় ১০ বছরের পরিকল্পনা

দেশে চলমান বিদ্যুৎ ও জ্বালানি সংকটের কথা উল্লেখ করে প্রধানমন্ত্রী বলেন, সরকার এ সংকট নিরসনে আন্তরিকভাবে কাজ করছে।

তিনি জানান, বিদ্যুৎ সংকট মোকাবিলায় আগামী ১০ বছরের পরিকল্পনা আগামী ২৭ আগস্ট জাতীয় সংসদে উপস্থাপন করবে বিএনপি সরকার।

প্রধানমন্ত্রী বলেন, দীর্ঘদিনের অব্যবস্থাপনা ও অপরিকল্পিত সিদ্ধান্তের কারণে বিদ্যুৎ ও জ্বালানি খাতে যে সংকট তৈরি হয়েছে, তা কাটিয়ে উঠতে সরকার পরিকল্পিতভাবে কাজ করছে।

বিশৃঙ্খলা তৈরির চেষ্টা নিয়ে সতর্ক থাকার আহ্বান

□সংকটকে□ পুঁজি করে কিছু ব্যক্তি রাজপথে বিশৃঙ্খলা তৈরির চেষ্টা করছে বলেও অভিযোগ করেন প্রধানমন্ত্রী।

এ বিষয়ে সবাইকে সতর্ক থাকার আহ্বান জানিয়ে তিনি বলেন, দেশের স্বাভাবিক পরিবেশ ও স্থিতিশীলতা বজায় রাখতে সবাইকে দায়িত্বশীল ভূমিকা পালন করতে হবে।

প্রথমবার কিশোরগঞ্জ সফরে প্রধানমন্ত্রী

সরকার গঠনের পর প্রথমবারের মতো কিশোরগঞ্জ সফরে রয়েছেন প্রধানমন্ত্রী তারেক রহমান।

সফরের পথে শিক্ষার্থীদের সঙ্গে দেখা হলে তাদের হাতে ক্রীড়াসামগ্রী তুলে দেন তিনি। এ সময় শিক্ষার্থীদের সঙ্গে কিছু সময় কথাও বলেন প্রধানমন্ত্রী।

সফরের শুরুতে রোববার বেলা সাড়ে ১১টার দিকে কিশোরগঞ্জের পাকুন্দিয়া উপজেলার মির্জাপুর চেয়ারম্যানবাড়ি ঘাট এলাকায় পুরাতন ব্রহ্মপুত্র নদে মাছের পোনা অবমুক্ত ও বিতরণ করেন তিনি।

পরে স্থানীয় লোকজনের সঙ্গে শুভেচ্ছা বিনিময় করেন প্রধানমন্ত্রী।

নদী-খালে মাছের পোনা অবমুক্ত

প্রধানমন্ত্রী জানান, পর্যায়ক্রমে দেশের সব নদী ও খালে মাছের পোনা অবমুক্ত করা হবে।

তিনি বলেন, বাংলাদেশকে একটি কল্যাণমুখী রাষ্ট্র হিসেবে গড়ে তুলতে সরকার কাজ করছে। দেশের মানুষের ভাগ্যের উন্নয়নে সবাইকে ঐক্যবদ্ধভাবে কাজ করার আহ্বান জানান তিনি।

মৎস্য খাতের উন্নয়নে গুরুত্ব

এদিকে, দুপুর সাড়ে ১২টার দিকে কটিয়াদি উপজেলায় কার্প হ্যাচারি কমপ্লেক্স পরিদর্শন করেন প্রধানমন্ত্রী।

পরে কটিয়াদি আচমিতা জর্জ ইন্সটিটিউশন মাঠে জাতীয় মৎস্য পক্ষ-২০২৬-এর উদ্বোধন ও পুরস্কার বিতরণী অনুষ্ঠানে যোগ দেন তিনি।

কিশোরগঞ্জ সফরে মৎস্য খাতের উন্নয়ন, নদী-খালে মাছের উৎপাদন বৃদ্ধি এবং দেশের মানুষের জীবনমান উন্নয়নে সরকারের বিভিন্ন

এ বিভাগের আরও খবর



খাগড়াছড়িতে সেনাবাহিনীর বিনামূল্যে চিকিৎসাসেবা, উপকৃত ৮৬১ রোগী
দুর্গম পার্বত্য অঞ্চলের মানুষের স্বাস্থ্যসেবা নিশ্চিত করতে খাগড়াছড়ি জেলা সদর হাসপাতালে বিনামূল্যে চিকিৎসাসেবা দিয়েছে বাংলাদেশ সেনাবাহিনী। এ....



ডেঙ্গু প্রতিরোধে সপ্তাহে অন্তত এক ঘণ্টা সময় দিতে হবে: প্রধানমন্ত্রী
রাজধানী ঢাকাসহ দেশের বিভিন্ন স্থানে ডেঙ্গুর প্রাদুর্ভাব বৃদ্ধি পাওয়ায় তিন মাসব্যাপী াডেঙ্গু প্রতিরোধ ও পরিচ্ছন্নতা অভিযান- ২০২৬-এ উদ্বোধন করেছে...



জ্বালানি সংকট বর্তমান সরকারের তৈরি নয়, ফ্যাসিস্ট সরকারের তৈরি: প্রধানমন্ত্রী
গ্যাস-বিদ্যুতের সংকটের কারণে জনগণের যে ভোগান্তি হচ্ছে, সে বিষয়ে সরকার সচেতন বলে জানিয়েছেন প্রধানমন্ত্রী তারেক রহমান। তিনি বলেছেন, এই জ্বালান...



যতই প্রভাবশালী হোক, দুর্নীতি করলে ব্যবস্থা নেওয়ার আহ্বান রাষ্ট্রপতির
দুর্নীতিবাজ যতই প্রভাবশালী হোক না কেন, নিরপেক্ষ ও সুষ্ঠু তদন্তের মাধ্যমে তাকে আইনের আওতায় আনার জন্য দুর্নীতি দমন
কমিশনের (দুদক) প্রতি আহ্বান...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/national/bidjut-jbalani-sngkter-jnj-sboirachari-srkar-dayi-prdhanmntri>